


傷寒雜病論集解

七



傷寒雜病論集解卷第七

日本 醫師法眼細矢東安惟貞著

辨陽明病脉證并治

按陽明以胃言也。夫人之陽氣藉胃中水穀之氣而盛明焉。靈樞刺節真邪篇曰：真氣者，所受於天與穀氣并而充身。此乃兩陽真氣合明之地。故曰：陽明然則陽明者，胃府之德號以胃者，水穀之海，六府之大源也。且夫陽明者，本天之六氣中之一，乃通於秋氣。秋者，萬物收斂，草木結實也。是故胃

中燥結不大便者名曰陽明病也其來也有表熱盛實而腸胃自乾燥者或有發汗若吐若下若火若脫血而亡其津液者大便因鞭者皆謂之陽明病也又有胃中虛冷嘔吐下利者此亦曰陽明病其病關於胃故爾或又裏證熱極固是陽明病也然其人見手足厥冷故辨諸少陰厥陰二篇之中也

問曰病有太陽陽明有正陽陽明有少陽陽明何謂也

此設問答以辨陽明病之所自來也為表證發汗

遂亡其津液而胃中乾燥者謂之太陽陽明也表熱熾盛而胃中自燥實者謂之正陽陽明也其證應與柴胡而以辛溫驅發其汗或以辛泄利其小便而胃中燥煩實者謂之少陽陽明也

答曰太陽陽明者脾約是也

脾者五藏之脾主為胃行其津液者猶婢女供給飲食故名曰脾也約者省約之約即簡少之謂此為醫發汗亡其津液故脾之職以省約也因轉屬陽明謂之太陽陽明言其為發汗津液乾少以轉裏證也

正陽陽明者胃家實是也

正陽者盛陽也表熱盛實而胃中自成乾燥無汗竟傳入胃者是也

少陽陽明者發汗利小便已胃中燥煩實大便難是也

玉函利之上有若字○少陽即表裏之分界苟邪入於此則寒已變熱也此應微寒藥涼解之而反用辛溫發其汗或用五苓之辛泄利其小便則為胃燥大便難也蓋少陽陽明者以熱犯熱入於胃故為煩逆實滿也太陽陽明者為發其汗亡津液

熱入於胃也正陽陽明者表熱熾盛而津液自燥胃中自為實也是三陽陽明之因雖少殊要皆不過言胃燥便秘耳

○陽明之為病胃家實是也

諸註本無是字今從之按此一條當在篇首錯簡在此○陽明本是天之三陰三陽六氣中之一即謂秋氣也本篇曰陽明病欲解時從申至戌上是日之秋此時春過夏長溽蒸盛行有兩陽合明之義故曰陽明言陽之極也在人體則胃府為陽明位是以邪在胃而為燥實凡病作秋之象者皆

謂之陽明病也。夫陽明之為病之陽明指胃府而言自此以下凡曰陽明病者以邪在胃者言也。胃納水穀津液之所由出也。一經汗下津液被奪則胃中自成壅鬱燥熱隨生於是在表之邪悉成收斂隨燥熱而內結謂之胃家實也。此則篇中之總括。

○問曰何緣得陽明病答曰太陽病若發汗若下若利小便此亡津液胃中乾燥因轉屬陽明不更衣內實大便難者此名陽明也。

玉函及諸註太陽病下無若字又玉函名陽明下

有病字。○表證過汗或誤治妄吐下或利小便而亡津液胃中乾燥則周身液少熱無由以輸泄因與胃燥相併此為轉屬陽明也。轉遷轉也。言其邪去表入裏也不更衣謂不大便也。人登廁必變更衣服故謂不大便曰不更衣也。內指胃而言實者大便結鞭滿而不得出也。更加以蓄熱愈燥結難通此名陽明病也。

○問曰陽明病外證云何答曰身熱汗自出不惡寒反惡熱也。

陽熱盛極而由裏蒸發肌表故身熱汗自出也不

惡寒反惡熱者表證已罷裏熱盛極之徵蓋陽明病者汗自出汗出則其熱當解所以其不解者何也夫雖汗也其後津液不復灌則熱不足以去也此胃中燥而汗出其何能得解矣

○問曰病有得之一日不發熱而惡寒者何也答曰雖得之一日惡寒將自罷即自汗出而惡熱也

玉函發作惡○此雖證既轉屬陽明猶有表證未盡者此際應有惡寒惡寒已罷必自汗出而惡熱也

○問曰惡寒何故自罷答曰陽明居中主土也萬物

所歸無所復傳始雖惡寒二日自止此為陽明病也

玉函及諸註無主字○陽明者胃也胃居中央乃土之象土者萬物所歸夫四傍有病皆能入於胃入胃則無所復傳以萬物歸於土也而始未盡入故惡寒也至次日全入裏則惡寒自罷即自汗出而惡熱也此熱由裏蒸發肌表乃其病在胃故為陽明病也

○本太陽初得病時發其汗汗先出不徹因轉屬陽明也

發汗吐下過法則亡津液故能轉屬陽明即汗之

一法稍差其時亦能轉屬陽明也先字可觀焉徹通也不徹言汗先出而邪不服也病在太陽時驟發其汗汗先出而邪不服則津液早耗且辛溫藥性內留反致招燥邪以為熱斂結此為轉屬陽明夫至是則離乎太陽之表既入陽明故曰轉也

○傷寒發熱無汗嘔不能食而反汗出漉漉然者是轉屬陽明也

傷寒發熱無汗邪無所以泄嘔不能食者則陽不得宜但鬱於胃口耳此將入於胃之漸也邪已入胃則由裏而蒸出膚表故漉漉汗出也初之時無

汗而今汗出故曰反也漉漉猶緝緝也言汗出緝緝不止也下條曰陽明病法多汗

△傷寒三日陽明脉大

玉函脉大下有者為欲傳四字○此條義疑不可強解

○傷寒脉浮而緩手足自溫者是為繫在太陰太陰者身當發黃若小便自利者不能發黃至七八日大便鞕者為陽明病也

傷寒以熱在裏者言也若熱在裏內結壅閉則手足為厥也此是手足溫則非裏結脾氣不行水穀

鬱蒸使然也。且脉浮而緩，則非裏脉。浮爲在表，緩則瘕熱已行也。故曰：繫在太陰。太陰者脾也。脾主爲胃行其津液者也。今也脾氣鬱滯，不能以宣行其津液，祇鬱於肌膚而爲熱。兼以小便利，故濕熱交盛，必蒸身爲黃。若小便自利者，濕泄而熱獨在也。不能發黃，其人至七八日，大便鞭者，此因胃實使然。乃燥熱熏蒸之所致。故此而大便鞭者，爲陽明病也。又有至七八日，暴煩下利，日十餘行者，見太陰病中。

○傷寒轉繫陽明者，其人澀然微汗出也。

轉者去表也。繫陽明者，屬裏證也。胃者水穀之海，熱盛於胃，故澀然微汗出也。

○陽明中風，口苦咽乾，腹滿微喘，發熱惡寒，脉浮而緊，若下之則腹滿小便難也。

風邪入裏，表證未全罷者，謂之陽明中風。乃與二陽併病，義同中風。該傷寒言也。口苦咽乾，腹滿微喘者，裏證已見也。發熱惡寒，脉浮而緊者，表證表脉仍在也。凡陽明證見八九而太陽證有一二未罷，卽從太陽而不從陽明。此可汗而不可下也。太陽篇曰：二陽併病，若太陽病證未罷者，不可下。

之爲逆如此可小發汗夫口苦咽乾者熱在胃管也腹滿微喘者熱已入胃也發熱惡寒者表證未罷也脉浮而緊者表寒未全化也而反下之胃陽頓衰氣化不行故腹滿小便難也

○陽明病若能食名中風不能食名中寒

玉函及外臺二名字俱作爲○中寒卽傷寒之互辭陽明病若能食者從風而來不能食者從寒而來此以食之能否而辨其輕重也

○陽明病若中寒者不能食小便不利手足濇然汗出此欲作固瘕必大便初鞭後溏所以然者以胃中

冷水穀不別故也

此辨胃虛之陽明病也陽明病者熱已入胃也若猶或也中寒不與前條中寒同乃胃中虛寒也胃中虛冷之人中氣不行故不能食氣化不行故小便亦易能滯而熱入於胃者是欲作固瘕之漸也固者久固瘕者瘕泄乃謂溏泄之久而不止者也手足濇然汗出者爲熱聚於胃之徵此因中寒而汗不能至於周身唯手足濇然汗出也雖今因熱結而大便鞭然本以胃中虛冷故後必溏所以然者未病之前胃中有冷胃陽弱不能別水穀故也

○陽明病初欲食小便反不利大便自調其人骨節疼翕翕如有熱狀奄然發狂濺然汗出而解者此水不勝穀氣與汗共并脈緊則愈

玉函及諸註并作併○此反上文復言胃實證也
內熱壅鬱久不食而今初欲食是胃陽得回以求伸也津液還入胃中故小便反不利大便自調也
大便調者不鞭不軟自得快通也是以內結自開鬱陽暴伸故其人骨節疼翕翕如有熱狀是猶酒客之醉狀也奄忽也忽然發狂者將汗作狂也此名狂汗鬱陽暴伸衝擊不能頻開故忽然坐臥不

安且狂且躁必得汗而解也此穀氣現強水不能勝是以汗不先出而陽氣衝擊也水者以汗之在內者言也夫食入於陰長氣於陽者也汗出其陽則衰故曰與汗共併脈緊則愈言汗出而浮洪脈減則愈也此非寒陰之緊矣

○陽明病欲解時從申至戌上

陽明病者潮熱譫語日晡益甚此時反靜者欲解之漸也所謂自得其位而起也蓋陽明病之欲解從申至戌上是一日之秋可見陽明病作秋之象也此則陽明二字註脚

○陽明病不能食攻其熱必噦所以然者胃中虛冷故也以其人本虛攻其熱必噦

玉函及諸註本虛下有故字○能食不能食可以辨中氣之強弱則凡不能食者總屬胃中虛冷之人此雖有熱勿妄攻之也陽明病者熱已入胃也不能食者其人素胃中虛冷陽弱不能消穀故也攻熱皆是寒下之藥復胃陽被傷故噦也胃中虛冷以不能食言其人本虛以平素言其熱以陽明病言也夫傷寒者熱證也宜攻之熱然其人胃中虛冷者又不可一例而推也

○陽明病脉遲食難用飽飽則微煩頭眩必小便難此欲作穀瘵雖下之腹滿如故所以然者脉遲故也

陽明病即胃病也脉遲為寒寒則不能宣行胃氣故食難用飽夫饑則氣尚流通飽即填滯而以中氣不行穀氣不盛形氣衰少之故有微煩頭眩證以下脘不通之故有小便難證爾乃胃虛食鬱致熱此欲作穀瘵也瘵與疸同黃病也蓋中焦升降失其職則水穀之氣不行鬱積而成黃因雖下之腹滿如故不減也夫熱蓄發黃之腹滿下之便可去此是穀氣不得宣洩但因胃氣虛寒使然下之

益重其虛故腹滿如故也。所以然者申明上文之辭。迺明其不可下之意。再出脈遲以欲人從脈上悟出胃中冷來也。

○陽明病法多汗反無汗其身如蟲行皮中狀者此以久虛故也。

陽明者胃府之名。胃者水穀氣血之海也。熱乘於胃。輒蒸之肌表。故多汗。而反無汗。其身如蟲行皮中。狀但痒者。其人自利。經久或素有他病。先虛或本病日久不愈。或反覆數下。以致周身血液枯涸。故不得汗。但身痒而已。久虛者明所以其不能透

出於肌表之由也。非謂當用補矣。脈法曰遲為無陽。不能作汗。其身必痒。

○陽明病反無汗而小便利。二三日嘔而欬。手足厥者。必苦頭痛。若不欬不嘔。手足不厥者。頭不痛。

陽明病法應多汗。而反無汗者。此由胃中無陽。復小便利。陽從下洩。中誰與溫。積之稍久。胃中獨治之寒。厥逆上攻。故二三日嘔而欬。手足厥冷也。必苦頭痛者。陰盛自平。陽也。其實與陽邪無涉。頭痛者。標嘔欬手足厥者。本也。條中有一嘔字。其不能食可知。此胃中虛寒之陽明。故一云冬陽明病。

○陽明病但頭眩不惡寒故能食而欬其人咽必痛若不欬者咽不痛

此言風邪之欬咽痛也以咽為胃系故列之陽明病又有少陰之咽痛不可不辨也夫風邪雖結於喉咽然熱微不致頭痛但起則頭眩而已其人不惡寒能食者亦是邪氣微故也

○陽明病無汗小便不利心中懊憹者身必發黃

陽明病者熱在胃也下同陽明病無汗熱無由以越小便不利濕無所泄而心中懊憹者是熱氣鬱蒸欲發於外故也濕滯熱鬱身必發黃

○陽明病被火額上微汗出而小便不利者必發黃

火者灸熨之類陽明病被火熱邪愈熾而津液上奔是以額上微汗出而周身之汗與小便愈不可得也濕熱交蒸身必發黃

○陽明病脉浮而緊者必潮熱發作有時但浮者必盜汗出

陽明病脉浮而緊者從傷寒來也故潮熱發作有時但浮者從中風來也故盜汗出此太陽風寒轉陽明後微細之辨也

○陽明病口燥但欲漱水不欲嚥者此必衄

陽明病以不大便言也。此風熱在上兼以腸胃壅滯故衝逆而然。

○陽明病本自汗出醫更重發汗病已差尚微煩不了了者此必大便鞕故也。以亡津液胃中乾燥故令大便鞕當問其小便日幾行若本小便日三四行今日再行故知大便不久出今為小便數少以津液當還入胃中故知不久必大便也。

小便出少則津液還停胃中胃中津液足則大便潤潤則輒滑輒滑則不久必通也。

○傷寒嘔多雖有陽明證不可攻之。

嘔多者熱在胸膈此柴胡證未除也故雖有裏證不可攻之。

○陽明病心下鞕滿者不可攻之攻之利遂不止者死利止者愈。

陽明病者熱已入裏也。下同其人心下鞕滿者邪仍在表裏之間未全入府故不可攻之攻之利不止者邪氣未盡而真元先脫也。於法為死利止者邪去而真氣猶存也故愈。

○陽明病面色赤不可攻之必發熱色黃者小便不利也。

玉函攻之下又有攻之二字○太陽篇曰面色緣
緣正赤者陽氣怫鬱在表當解之熏之若誤攻之
津液愈耗故周身發熱也其人身色黃者瘀熱達
於肌表此必小便不利也蓋熱不兼濕不為黃矣
○陽明病不吐不下心煩者可與調胃承氣湯
不吐不下謂醫不與吐下藥此明非梔子豉湯證
也蓋不由吐下而心煩則發於胃實可知

調胃承氣湯方

甘草_{二兩}芒消_{半升}大黃_{四兩}

右三味切以水三升煮二物至一升去滓內芒消更

上微火一二沸溫頓服之以調胃氣

○陽明病脈遲雖汗出不惡寒者其身必重短氣腹
滿而喘有潮熱者此外欲解可攻裏也手足濇然汗
出者此大便已鞅也大承氣湯主之

下條曰陽明病脈遲汗出多微惡寒者表未解也
可發汗宜桂枝湯陽明病者熱已入胃也遲者緩
之互文即中風脈也若汗出惡寒者表未解也雖
汗出不惡寒者表證已罷也身重者腰膝痿弱不
能起床但如醉人然其熱鬱甚而氣血阻滯故也
短氣腹滿而喘有潮熱者即胃實之候故曰此外

欲解可攻裏也。潮熱者申酉戌間獨熱餘時不熱如潮之有信也。手足減然汗出者胃中熱甚而蒸發騰達於四支故手足汗出爲熱聚於胃蓋津液尚在而熱入胃者周身汗出若無津液而熱入胃者但手足心減然汗出故曰大便已鞫也。

若汗多微發熱惡寒者外未解也。

此表證未除也猶未可下之。

其熱不潮未可與承氣湯若腹大滿不通者可與小承氣湯微和胃氣勿令至大泄下。

承氣湯即大承氣湯也其熱不潮者熱未全聚此

雖大滿而不甚結故可但與小承氣湯以通其壅鬱耳。

大承氣湯方 第七十五

大黃_{四兩} 厚朴_{半斤} 枳實_{五枚} 芒消_{三合}

右四味以水一斗先煮二物取五升去滓內大黃更煮取二升去滓內芒消更上微火一兩沸分溫再服得下餘勿服。

小承氣湯方 第七十六

大黃_{四兩} 厚朴_{二兩} 枳實_{三枚}

右三味以水四升煮取一升二合去滓分溫二服初

服湯當更衣不爾者盡飲之若更衣者勿服之

表邪歸裏內結壅閉四傍不承順於是與此湯以通其內結則裏氣復發諸外而形體無不承順故名曰承氣湯也三承氣俱以大黃為君藥以其潤而最能降也其餘皆治標之品耳惟痞滿而無燥實者枳實厚朴為之佐使以破結導滯此名小承氣湯也其有燥實者更加芒消以潤燥軟堅此名大承氣湯也芒消其性走下鹹寒足以軟堅去實熱故能蕩滌腸胃積滯也若無痞滿但存宿結而有瘀熱者調胃承氣湯宜之

○陽明病潮熱大便微鞮者可與大承氣湯不鞮者不可與之若不大便六七日恐有燥屎欲知之法少與小承氣湯湯入腹中轉失氣者此有燥屎也乃可攻之

陽明者通於秋氣日晡為一日之秋日西而人氣始衰邪氣始生是以潮熱為熱結於胃之徵乃柴胡加芒消湯證曰潮熱者實也是故潮熱一證便可放手用下法不必大滿不通但大便微鞮者可與大承氣湯下之微鞮對大滿痛而言也若不鞮者熱未成實縱有潮熱不可妄與大承氣湯先以

小承氣湯試之可矣。湯入腹中轉失氣者，即知腸中有結屎也。此因劑小而未能遽下其所下者，但屎之氣耳，不妨更與大承氣湯攻之也。轉失氣者，轉動失泄之氣，即放屁也。○再按微字衍。

若不轉失氣者，此但初頭鞭後必澹不可攻之。攻之必脹滿不能食也。欲飲水者與水則噦。

與之小承氣湯也。無轉失氣之際大便即便下者，其人腸雖燥而本自胃虛故爾。此但初頭鞭後必澹不可攻之。若誤攻之，腹脹滿不能食，以攻藥苦寒復虛其胃故也。靈樞師傳篇曰：胃中寒則腹脹。

前條曰：中寒者不能食。夫下後腸燥故欲飲水，本是自胃虛故與水則噦。下條曰：胃中虛冷不能食者飲水則噦。

其後發熱者必大便復鞭而少也。以小承氣湯和之，不轉失氣者慎不可攻也。

玉函熱之上有潮字。○此接上文乃可攻之之句。其後者用大承氣湯後也。攻之後發熱者，餘邪復到胃也。故大便復鞭而時未久，故必少耳。宜以小承氣湯和之。若不轉失氣大便即便下者，屬胃中虛寒也。慎不可攻之。

○夫實則讒語虛則鄭聲鄭聲者重語也

實以邪言虛以正言也以其聲威嚴曰讒語以怯懦曰鄭聲其實則一故曰鄭聲者重語也言鄭聲即讒語之複辭也以後但言讒語不言鄭聲欲人於虛實之中辨讒語即於讒語之中辨鄭聲語聲間無甚歧異也故吳又可曰鄭聲讒語態度無二但有虛實之分不應兩立名色又程應旌曰讒語一證有大實亦有大虛實者證與脉俱實其發則名讒語虛者證雖實而脉虛其發則名鄭聲鄭聲與讒語無異以亂雅得名耳其實鄭聲即讒語之

複辭也

○直視讒語喘滿者死下利者亦死

讒語之人直視者此本應下失下燥結益甚或大發汗或數下之以奪其津液而胃液乾枯熱從內生其陽則絕故陽精不榮于目是以直視也又喘滿者津液枯槁邪火獨存故也下利者津液從下脫邪火益熾夫如是則何處停生氣

○發汗多若重發汗者亡其陽讒語脉短者死脉自和者不死

太陽初得病時發汗過多若陽明病多汗者重復

發汗乃亡其陽譫語也。陽謂胃中精液也。胃中精液不足則津枯熱鬱故神昏爲譫語也。靈樞經脈篇曰穀入於胃脈道以通血氣乃行其脈短者其道窮也。故死脈自和者血氣未竭也。故不死。

○傷寒若吐若下後不解不大便五六日至十餘日日晡所發潮熱不惡寒獨語如見鬼狀若劇者發則不識人循衣摸牀惕而不安微喘直視脈弦者生瀉者死。

傷寒若吐若下後不解者津液以亡邪熱益熾故也不大便五六日以上至十餘日日晡所發潮熱不惡寒者裏證悉具也。獨語如見鬼狀者精神昏憤猶重乎譫語也。若劇者對下文微者而言也。若夫病重而元氣不勝其邪者發則不識人事循衣摸牀肢體戰惕而不安此皆大虛之候將危之證也。乃血燥津枯以致微喘直視其證實爲可畏然其脈弦者生夫弦者所謂滑緊之脈也。素問通評虛實論曰滑則從瀉則逆也。弦脈猶帶長養瀉脈已成涸竭生死以此斷之。

微者但發熱譫語者大承氣湯主之。若一服利則止後服。

微者謂元氣未衰不至於其劇也但發熱譫語者
仍是邪燥結實而已故與大承氣湯下之便愈

○陽明病其人多汗以津液外出胃中燥大便少鞮
鞮則譫語小承氣湯主之若一服譫語止者更莫復
服

津液外出則胃中燥胃中燥則心胸無液以養是
故心神為燥熱所昏以發譫語乃與小承氣湯下
其鞮糞則胃潤液和而譫語止

○陽明病譫語發潮熱脉滑而疾者小承氣湯主之
因與承氣湯一升腹中轉氣者更服一升若不轉氣

者勿更與之

玉函及成本轉氣作轉失氣○陽明病譫語發潮
熱者當與大承氣湯也然脉滑而疾者有新入之
宿食故主以小承氣湯而人有裏虛有裏實以轉
失氣試之裏實者續之用下法裏虛者不在此例
則如下文○再按譫語發潮熱五字衍

明日又不大便脉反微瀼者裏虛也為難治不可更
與承氣湯也

此與小承氣湯也不轉失氣大便即便下明日又
不大便則胃中無物可知也脉反微則陽暴亡且

瀉則液竭故曰裏虛也其人面色青黃手足逆冷者死面色微黃手足溫者生故但為難治此承氣湯之誠不可不識也

○陽明病譫語有潮熱反不能食者胃中必有燥屎五六枚也若能食者但鞭耳宜大承氣湯下之
有燥屎者腸胃熱結故不能食也若能食者腸胃未結故但便鞭耳能食但鞭者宜小承氣湯蓋腸燥者即與芒消但便鞭者不與芒消也末句接有燥屎五六枚也之下

○陽明病下血譫語者此為熱入血室但頭汗出者刺期門隨其實而瀉之溼然汗出則愈

陽明病以熱在裏者言也其人下血譫語者此不來於胃而乘血室也血室者榮血停留之處經脈所集會也榮血者穀入於胃泌糟粕蒸津液化其精微上注於肺脈者也其津液化為血之處謂之血室即脇肋間乳下期門日月之邊也然太陽篇有婦人中風傷寒熱入血室證皆以經行言之故古今諸醫血室以為子宮也今以婦人乳汁充足之間經行稀少而觀之血室者謂榮血停留之處也明矣婦人經行亦其本在乳下脇肋間可推知

也。故靈樞本神篇曰：肝藏血，脾藏營，由是言之，熱入血室，男婦俱命之可矣。蓋此證也。本下胃實而得下血，因下血而熱入血室，是以但頭汗出，譫語而已。故刺期門以散血室之熱也。隨其實而瀉之者，勿失鍼之權宜也。瀉其結血，澱然汗出而愈。設有發熱，宜小柴胡湯。以有頭汗之表證也。又因胃實而下血仍未止者，宜承氣湯。

○汗出譫語者，以有燥屎在胃中，此為風也。須下者，過經乃可下之。下之若早，語言必亂。

胃有燥屎，本當用下法。此以譫語而兼汗出，蓋陽

明病自汗出，不惡寒，反惡熱也。此汗乃兼惡寒可知。故曰：此為風也。言中風證，既現裏證，而表仍未解也。宜俟表證全罷，悉入在裏而下之。故曰：過經乃可下之。過經者，其熱已過去，去表分之謂。以經在表也。下之若早，燥屎雖除，表邪乘虛復陷於裏，乃胃虛熱鬱，正氣昏冒，故語言必亂。

以表虛裏實故也。下之愈宜大承氣湯。

玉函及諸註下之，下有則字。○此接上文，過經乃可下之之句。表虛者，表證全罷之謂。裏實者，熱邪悉聚於胃之謂。蓋表虛裏實，所以申明過經之義。

○傷寒四五日脉沉而喘滿沉為在裏而反發其汗津液越出大便為難表虛裏實久則譫語

傷寒四五日日數尚未深也脉沉而喘滿其邪在裏也言雖四五日之淺然熱已在裏者不可必發其汗蓋示勿執滯於日數之意也邪氣入裏故其脉為沉而喘滿者是胃實之逆溢也前條曰腹滿而喘有潮熱者此外欲解可攻裏也反發其汗津液越出於表則胃中愈燥故大便為難也表虛謂外證已罷裏實謂大便結也夫日久則不止喘滿而譫語隨起此以津液乾少故爾

○三陽合病腹滿身重難以轉側口不仁面垢譫語遺尿

三陽合病表裏俱有大熱也熱壅甚而氣血阻滯故腹滿身重難以轉側也口不仁謂無口之知覺也面垢者熱淫之甚也熱淫布於胃氣濁識昏故譫語也口舌不仁水道亦是不仁故遺尿也發汗則譫語下之則額上生汗手足逆冷若自汗出者白虎湯主之

玉函譫語下有甚字○攻表則燥熱倍加故譫語甚攻裏則表熱乘虛內陷故手足逆冷但陽孤而

上越故額上生汗若自汗出者此熱邪散漫乃白
虎湯之所掌也末二句接上文譏語遺尿之下

白虎湯方

知母六兩 石膏一斤 甘草二兩 粳米六合

右四味以水一斗煮米熟湯成去滓温服一升日三服

○二陽併病太陽證罷但發潮熱手足漿漿汗出大便難而譏語者下之則愈宜大承氣湯

本太陽病併於陽明故曰二陽併病也太陽證罷者外證悉解也但發潮熱手足漿漿汗出者為熱

聚於胃之徵而大便難譏語下之無辭

○陽明病脉浮而緊咽燥口苦腹滿而喘發熱汗出不惡寒反惡熱身重

陽明病脉浮而緊與二陽併病義同此裏證而表脉未已也咽燥口苦者熱在胃管也腹滿而喘者熱在胃府也而發熱汗出證難認然以不惡寒為表證罷但熱盛於裏故反惡熱也身重者熱壅甚而氣血阻滯故爾此應下之證

若發汗則躁心憤憤反譏語

胃實證發汗則津液愈竭邪陽益熾故躁也憤憤

心亂貌寤則憤憤然亂言寐則復加譏語也前證未譏語今汗之加譏語故曰反

若加温鍼必怵惕煩躁不得眠

温鍼即燒鍼怵惕驚動貌太陽篇曰傷寒者加温鍼必驚也又曰加燒鍼因胸煩此火氣內攻故也

若下之則胃中空虛客氣動膈心中懊懣舌上胎者
梔子豉湯主之

此為下後心中懊懣者設也若下之則胃中無物故曰空虛胃中無物則膈中無液以和故枯液不得布鬱熱隨生但撓動膈內能使心中懊懣也容

氣謂枯液鬱熱也懊懣苦惱鬱悶之意舌上胎亦膈熱之所為也其胎乃白胎矣

梔子豉湯方

肥梔子十四枚 香豉四合

右二味以水四升煮梔子取二升半去滓內豉更煮取一升半去滓分二服温進一服得快吐者止後服

若渴欲飲水口乾舌燥者白虎加人參湯主之

玉函及脉經無加人參三字○此亦以下後變渴更治言

白虎加人參湯方

知母六兩石膏一斤甘草二兩粳米六合

人參三兩

右五味以水一斗煮米熟湯成去滓温服一升日三服

若脉浮發熱渴欲飲水小便不利者猪苓湯主之

此就上文胃燥之渴復言水蓄之渴也蓋此渴由病後津液未復水道熱秘而小便不利故舉脉浮發熱以明非裏熱燥渴也水蓄則津液不行故氣道燥以作渴也

猪苓湯方 第七十七

猪苓 茯苓 澤瀉 阿膠

滑石各一兩

右五味以水四升先煮四味取二升去滓內阿膠烱消温服七合日三服

猪苓茯苓澤瀉宜通水道阿膠補血與液而存津液於決瀆滑石利竅蕩熱

○陽明病汗出多而渴者不可與猪苓湯以汗多胃中燥猪苓湯復利其小便故也

此是白虎湯證不可誤與猪苓湯也

○脉浮而遲表熱裏寒下利清穀者四逆湯主之
脉浮故知表熱遲故察裏寒也裏寒故陽不斂於
內但浮越於表是以外體熱也陽衰於裏則水穀
不化是以下利清穀也治法以復陽為主此以胃
中虛寒也隸之陽明病矣

四逆湯方

甘草_{二兩} 乾薑_{一兩} 附子_{一枚}

右三味以水三升煮取一升二合去滓分温二服強
人可大附子一枚乾薑三兩
若胃中虛冷不能食者飲水則噦

胃中虛冷不能食者必下利也其人津液內竭故
虛火遊于咽喉間是以欲飲水胃陽未復故飲水
則噦

○脉浮發熱口乾鼻燥能食者則衄

此承前條胃中虛冷不能食者復言胃氣強能食
者也脉浮發熱口乾鼻燥者風熱在上部也其能
食者胃氣素強加之食入於陰長氣於陽故上逆
為鼻衄也此以胃氣強能食也隸之陽明病矣

○陽明病下之其外有熱手足温不結胸心中懊懣
饑不能食但頭汗出者梔子豉湯主之

陽明病下之者應下之也而外體有熱手足温者熱不結於裏之徵所謂不結胸也此雖法則對而胸中之液先亡是以心中懊憹此枯液不得布膈內鬱煩故爾胃虛熱格故饑不能食也但頭汗出者膈中鬱熱上蒸所致也梔子滋潤以中之

○陽明病發潮熱大便溏小便自可胸脇滿不去者與小柴胡湯

陽明病從潮熱上言潮熱者本胃實之候胃實之潮大便鞭小便赤澁此是柴胡湯證而反下之故熱入於裏乃發潮熱也大便溏小便自可者未定

成鞭而胸脇滿不去者柴胡證仍在也太陽篇曰凡柴胡湯病證而下之若柴胡證不罷者復與柴胡湯

小柴胡湯方

柴胡半斤 黃芩三兩 人參三兩 半夏半升
甘草三兩 生薑三兩 大棗十二枚

右七味以水一斗二升煮取六升去滓再煎取三升温服一升日三服

○陽明病脇下鞭滿不大便而嘔舌上白胎者可與小柴胡湯上焦得通津液得下胃氣因和身濇然汗

出而解

陽明病以不大便言也其人腸下鞅滿者即熱邪痰飲結於腸下也不大便而嘔者痰飲拒於胃口上下不和故也舌上白胎者熱未成實故可與小柴胡湯上焦得通津液得下者言胸脇之痰飲悉流通也胃氣因和者言胃中陽氣宜發也蓋上焦窒則汗不得越若一通之而津液不窒自能四布故身濈然汗出而解

○陽明中風脉弦浮大而短氣腹都滿脇下及心痛久按之氣不通

風邪兼裏證謂之陽明中風也脉弦為腹滿脇心痛之診浮大為風熱蓋此條陽明中風證居六七而虛寒證亦居三四觀本文其義自見矣風熱壅於腹中不得以通故短氣腹都滿也風熱虛寒搏於心脇間故脇下及心痛也久按之氣不通者其確乎虛寒證也要畧曰病者腹滿按之不痛為虛又曰跌陽脉微弦法當腹滿不滿者必便難兩胛疼痛此虛寒從下上也以温藥服之

鼻乾不得汗嗜臥一身及目悉黃小便難有潮熱時噦耳前後腫刺之小差外不解病過十日脉續浮

者與小柴胡湯脉但浮無餘證者與麻黃湯

玉函及諸註目之上有面字○上節言虛寒之見證而此節言風熱之見證也虛寒之人受風熱故佛鬱不能越其欲出不得入欲入不得入經纏被擾無所不至究竟因虛寒而陽氣無力宜洩不及而見證如此也鼻乾者風熱在上部也以內有虛寒之故不得汗然病勢不暴故嗜臥也一身及面目悉黃者以不得汗故熱不得越更加以小便難則濕不得泄濕熱交蒸身必發黃其有潮熱者外不得汗故熱及于胃也時時噦者虛寒所來於熱

故也耳前後腫者風熱滯於上故也外不解者表熱未除也病雖過十日其脉續浮者此有表復有裏故與小柴胡湯也脉但浮無餘證謂無短氣腹滿脇心痛之證即不兼虛寒也故與麻黃湯若不尿腹滿加噦者不治

此接上文按之氣不通之句不尿腹滿者無三焦以化也加噦者虛寒之至矣素問寶命全形論曰病深者其聲噦是也胃氣將竭更無力可送其邪故知藥不能治也

麻黃湯方

麻黃三兩 桂枝二兩 甘草一兩 杏仁七十箇

右四味以水九升煮麻黃減二升去白沫內諸藥煮取二升半去滓溫服八合覆取微似汗

○陽明病自汗出若發汗小便自利者此為津液內竭雖鞭不可攻之當須自欲大便宜蜜煎導而通之若土瓜根及大豬膽汁皆可為導

汗與小便皆胃汁所釀盛于外者必竭于內故病後津液未復其人穀道燥不得大便然此非結熱雖則鞭不可攻之宜以藥外治而導之總是無病邪但苦不能出耳當須自欲大便而行之

蜜煎方 第七十八

食蜜七合

右一味於銅器內微火煎當須凝如飴狀攪之勿令焦著欲可丸併手捻作挺令頭銳大如指長二寸許當熱時急作冷則鞭以內穀道中以手急抱欲大便時乃去之疑非仲景意已試甚良

玉函及諸註蜜煎下有導字○挺直也穀道肛門也疑以下後世註文

或土瓜根搗汁竹管灌入穀道集註土瓜根療諸邪氣熱結蓋其汁潤滑以便於通利也

猪膽汁方 第七十九

又大猪膽一枚瀉汁和少許法醋以灌穀道內如一食頃當大便出宿食惡物甚效

猪膽潤大腸去醋斂腸液

○陽明病脉遲汗出多微惡寒者表未解也可發汗宜桂枝湯

陽明病謂有裏證即以不大便言也遲者緩之互文乃中風脉也汗出多微惡寒者猶未離表此雖兼裏證可但從表法也

桂枝湯方

桂枝 三兩 芍藥 三兩 生薑 三兩 甘草 二兩

大棗 十二枚

右五味以水七升煮取三升去滓温服一升須臾飲熱稀粥一升以助藥力取汗

○陽明病脉浮無汗而喘者發汗則愈宜麻黃湯

陽明病以不大便言也浮者表之診即邪外向也無汗而喘者其喘必由表鬱故發汗則愈

○陽明病發熱汗出者此為熱越不能發黃也但頭汗出身無汗劑頸而還小便不利渴引水漿者此為瘀熱在裏身必發黃茵陳蒿湯主之

越泄越也。陽明病發熱汗出者，此熱越而經氣不
鬱，故不致發黃也。但頭汗出身無汗，劑頸而還者，
熱氣鬱於內而不得越，但上蒸于頭而然。蓋周身
無汗，熱無由以越，兼以小便不利，濕無所泄，熱鬱
濕滯，濕熱相搏，其身必發黃，渴引水漿者，即瘧熱
在裏之徵也。瘧熱謂熱之瘧滯者。

茵陳蒿湯方 第八十

茵陳蒿 六兩 梔子 十四枚 大黃 二兩

右三味以水一斗二升先煮茵陳減六升內二味煮
取三升去滓分溫從要畧今三服小便當利尿如皂

莢汁狀色正赤一宿腹減黃從小便去也

陽明病者熱在裏以蒸之表故多汗也而表裏壅
閉汗當出而不出兼以小便不利故濕熱相搏乃
發黃也是以茵陳為君散宛陳泄瘧熱梔子為佐
使洩熱於小便以其性屈曲下行能降火也大黃
則為臣破結導滯故為之先導以莖其根則表裏
疏通黃從小便去也

○陽明證其人喜忘者必有畜血所以然者本有久
瘀血故令喜忘屎雖鞫大便反易其色必黑者宜抵
當湯下之

玉函及諸註無黑者之者字。○陽明證謂大便結燥之人也。其人喜忘者，腸胃中必有畜血也。是故周身之血亦乾滯瘀滯而在上也。不營心家在下也。燥腸胃故令喜忘大便亦鞭也。尿雖鞭大便反易者，雖結糞得瘀而潤下也。血與糞併故其色必黑。以抵當湯下其瘀血，則新血隨生，心神斯得輔相。

抵當湯方

水蛭

蝨蟲

各三箇

大黃

三兩

桃仁

二十箇

右四味以水五升煮取三升去滓溫服一升不下更

服

○陽明病下之心中懊憹而煩胃中有燥屎者可攻腹微滿初頭鞭後必澹不可攻之。

陽明病下之以小承氣湯下之也。心中懊憹而煩者藥力未足以勝病燥鞭欲行而攪作也。胃中有燥屎者以轉失氣知之宜大承氣湯下之故曰可攻。腹微滿初頭鞭後澹者屬胃中虛寒故曰不可攻之。

若有燥屎者宜大承氣湯

此二句接上文可攻之句

○病人不大便五六日繞臍痛煩躁發作有時者此有燥屎故使不大便也

病人謂凡有病之人非獨以風寒之病為言而已也繞臍痛煩躁發作有時者乾屎欲出不得出徒動作使然也乾屎無去路滯滯在一處非下之不能除矣而不出其治者此接上條而言故省文也

○病人煩熱汗出則解又如瘧狀日晡所發熱者屬陽明也

太陽篇曰欲自解者必先煩乃有汗而解此曰又如瘧狀者舉其汗不出者而言也熱之往來猶

瘧之作輟有時而不爽况發熱日晡所即是胃熱潮作故為屬陽明也

脈實者宜下之脈浮虛者宜發汗下之與大承氣湯發汗宜桂枝湯

實者沉實也勞復篇曰脈沉實者以下解之浮虛即浮緩乃中風脈也

○大下後六七日不大便煩不解腹滿痛者此有燥屎也所以然者本有宿食故也宜大承氣湯

大下謂停食水瀉之暴下也其人六七日不大便者水去胃燥故也煩不解腹滿痛者水去穀留乃

為燥屎而使之也。所以然者，本有宿食未解，故爾。可下篇曰：病腹中滿痛者，此為實也，當下之。

○病人小便不利，大便乍難乍易，時有微熱，喘冒不能臥者，有燥屎也，宜大承氣湯。

胃本有燥屎，氣化不行，故小便不利。因小便不利而大便乍難乍易，時有微熱者，即胃實潮作也。喘謂呼吸之麤，冒謂心氣不清也。不能以臥者，腹中有物壅鬱故也。此為有燥屎，宜攻之。

○食穀欲嘔，屬陽明也。吳茱萸湯主之。得湯反劇者，屬上焦也。

食穀欲嘔者，納不能納之象。此屬胃寒，氣逆故曰屬陽明也。得湯反劇者，屬胸上之熱。若痰飲故曰屬上焦也。上焦指膈上言。

吳茱萸湯方 第八十一

吳茱萸 一升 人參 三兩 生薑 六兩 大棗 十二枚

右四味以水七升，煮取二升，去滓，溫服七合，日三服。

吳茱萸氣溫而溫，胃味苦而降，逆氣蓋溫而降者，吳茱萸也。寒而降者，黃連也。是以寒用吳茱萸，熱用黃連也。人參補中氣，虛生薑散飲止嘔，大棗為生薑六兩之監制也。

○太陽病寸緩關浮尺弱其人發熱汗出復惡寒不嘔但心下痞者此以醫下之也

寸緩關浮尺弱即寸關尺浮緩而弱此乃言虛人也。虛人而下之即易致裏虛裏虛則水飲虛氣必聚於心下因作痞也。其人發熱汗出復惡寒者太陽證未罷之候不嘔但心下痞者是被誤下而胃陽衰弱水飲以聚於心下也。若加渴者與五苓散。太陽篇曰本以下之故心下痞與瀉心湯痞不解其人渴而口燥煩小便不利者五苓散主之。

如其不下者病人不惡寒而渴者此轉屬陽明也。小便數者大便必鞭不更衣十日無所苦也。渴欲飲水少少與之但以法救之。

此反上文復言其不下之者也。若其人發熱汗出不惡寒而渴者此表證罷而作渴故為轉屬陽明也。乃調胃承氣湯證然小便數大便因鞭者但津液偏滲之所致而非結熱故不更衣十日無潮熱譎語之所苦也。其人渴欲飲水少少與飲之以潤胃中故曰但以法救之。法者何也所謂與水也。

渴者宜五苓散

此接上文以醫下之也之句

五苓散方

豬苓

白朮

茯苓

各十銖

澤瀉

六銖

桂枝

半兩

右五味為散白飲和服方寸匕日三服

○脉陽微而汗出少者為自和也汗出多者為太過

脉輕高而上前者為陽陽微乃浮虛此以中風之

浮緩言也中風本自汗故曰汗出少者為自和也

和對太過言謂未至太過耳若汗出太過者津液

斯亡大便因鞅則與下文同歸也

陽脉實因發其汗出多者亦為太過太過者為陽絕

於裏亡津液大便因鞅也

陽脉實以傷寒之浮緊言也傷寒本無汗故曰因

發其汗發而出多者亦與自出多者一致故曰亦

為太過蓋發汗之理從內以達表乃胃中氣液蒸

蒸而出於肌膚謂之汗素問評熱病論曰人所以

汗出者皆生於穀穀生於精是以汗出過多則胃

中津液先亡故曰太過者為陽絕於裏亡津液也

裏者胃中陽者胃中之精液也精微之氣液故名

曰陽津液即指其體也蓋此二節言胃家實之根

由也

○脉浮而芤浮為陽芤為陰浮芤相搏胃氣生熱其陽則絕

浮為氣上行故為陽芤空于內故為陰相搏言合一也浮芤乃津液外出內空之診胃氣生熱者胃液乾枯熱從內生也此本應下失下血液為熱搏以致氣血虛耗故脉為浮芤也又有大發汗或數下之以奪其液而成者及乎其極也皆能致此矣蓋人而其陽則絕猶天之無日也身體其可得久乎

○跌陽脉浮而濇浮則胃氣強濇則小便數浮濇相

搏大便則鞭其脾為約麻子仁丸主之

跌陽二字是診法之題面乃言胃病也蓋與陽明病義同浮為胃之燥熱故曰浮則胃氣強言腸胃多宿糞也濇為津液之不足故曰濇則小便數言津液偏滲也夫腸胃宿糞多且小便數大便乃鞭脾主為胃行其津液猶婢女供給飲食因名脾也其脾為約者津液偏滲而脾之職斯為省約也然與熱結者不倫但為宿糞所燥而津液不足故大便結鞭耳是以諸承氣不中與之但用丸藥通其宿糞津液以和矣

麻子仁丸方 第八十二

麻子仁二升芍藥半斤枳實半斤大黃一斤

厚朴一尺杏仁一斤

右六味蜜和丸如梧桐子大飲服十九日三服漸加

以知為度玉函及諸註作為末

煉蜜為丸又知作和玉函作厚朴杏仁各一斤諸註亦同局方作麻仁

五兩厚朴半斤杏仁五兩半○大黃能潤最降枳

實厚朴能導固結之滯麻仁杏仁能潤乾燥之堅

芍藥斂液輔潤方後云如梧桐子大以二大豆準

之

○太陽病三日發汗不解蒸蒸發熱者屬胃也調胃承氣湯主之

太陽病三日日未深也此雖日數淺然以其人本

胃中壅鬱故發汗不解猶炊籠之蒸蒸而發熱也

夫熱勢自內騰達於外即胃實之候故曰屬胃也

太陽篇曰發汗後不惡寒但熱者實也當和胃氣

與調胃承氣湯

○傷寒吐後腹脹滿者與調胃承氣湯

吐後腹脹滿者此非食也為熱可知

○太陽病若吐若下若發汗後微煩小便數大便因

鞭者與小承氣湯和之愈

吐下發汗後微煩者此由過法亡其津液而胃家
遂失其液以為胃實證也和之者下其燥實以平
和之也

○得病二三日脉弱無太陽柴胡證煩躁心下鞞至
四五日雖能食以小承氣湯少少與微和之令少安
得病二三日言未經日數也脉弱者其人本虛弱
也無太陽柴胡證者表證悉罷也蓋太陽不言藥
者以有桂枝麻黃之不同也柴胡不言證者以專
少陽也煩躁心下鞞至四五日者此雖日數淺然

以太陽柴胡證已罷故知諸證屬陽明也其人雖
能食不可以為胃強而忘與大承氣湯以脉弱故
也但以小承氣湯少少與微和之令少安為得耳
其間不能得法亦足以誤事

至六日與承氣湯一升

以脉弱故恐一升之多至次日始與一升為弱脉
之胃稟素虛而日未久也

若不大便六七日小便少者雖不能食能來板非但初
頭鞞後必溏未定成鞞攻之必溏須小便利尿定鞞
乃可攻之宜大承氣湯

上節言脉弱者與承氣湯又此節言小便少而胃中水穀不別者與承氣湯也前條曰譫語有潮熱及不能食者胃中必有燥屎五六枚也此曰不能食即有燥屎之互文此雖曰應下之然以小便少故知胃中水穀不別也不可以為胃中有燥屎而輕與大承氣湯但初頭鞭後必澹以其人小便少故未定成鞭也小便利則水去而鞭定然後可攻之

○傷寒六七日目中不了了睛不和無表裏證大便難身微熱者此為實也急下之宜大承氣湯

靈樞邪氣藏府病形篇曰精陽氣上走於目而為睛蓋目之視耳之聽鼻之臭舌之味皆胃中精陽氣上走而為之也目中不了了睛不和者此精陽氣不至於目即胃實結燥之所為也無表裏證謂表無惡寒裏無潮熱譫語也大便難身微熱者其證雖不劇而津液不營於目其害非細故即靈樞熱病篇曰目不明熱不已者死故急下之也急者勿遲緩之意

○陽明病發熱汗多者急下之宜大承氣湯

胃實證發熱汗多者津液益亡遂至其陽則絕故

急下之

○發汗不解腹滿痛者急下之宜大承氣湯

發汗不解腹滿痛者其病在胃故急下之以通其壅滯也

○腹滿不減減不足言當下之宜大承氣湯

邪熱盛實雖急下之其邪不易衰此不妨下之而再三下之也

○陽明少陽合病必下利其脈不負者為順也負者失也互相剋賊名為負也

陽明謂胃中有寒少陽謂胸脇有飲也合病者其

病同時發也胃有寒胸脇有飲則中氣不行何至能化水穀下利可必矣其脈不負謂下利後脈有胃氣此因下利而寒去陽復故為順也負者謂下利後脈無胃氣但見弦急脈也故曰負者失也互相剋賊言胃陽衰則必見不衰則不見所謂土敗水賊木賊土敗正虛邪實邪實正虛名為負也
○脈滑而數者有宿食也當下之宜大承氣湯
滑則穀氣實數則為熱是穀氣實有熱之診乃為宿食也下之則愈

○病人無表裏證發熱七八日雖脈浮數者可下之

假令已下脉數不解合熱則消穀喜饑至六七日不大便者有瘀血宜抵當湯

病人無表裏證謂發熱之外無他證候此言無外邪也蓋無外邪而發熱者則裏之壅鬱也裏已壅鬱雖脉浮數者宜下之也已下脉數不解發熱亦不除故曰合熱此非外來之邪熱乃腸中有瘀血之熱也故消穀喜饑太陽篇曰病人脉數數為熱當消穀引食至六七日不大便者對下文下不止而言也夫下之後下利止而脉數不解消穀喜饑者其人有瘀血可知也

若脉數不解而下不止必協熱便膿血也

協快通協熱謂下利挾表熱也蓋飲食如常有數脉即有瘡瘍若膿血之診

○傷寒發汗已身目為黃所以然者以寒濕在裏不解故也以為不可下也於寒濕中求之

傷寒發汗已熱邪解矣何緣反蒸身目為黃所以然者以寒濕在裏不解故也寒以濕之性言裏對表之裏即在內之通稱此寒濕鬱蒸之熱非實熱以為不可下也宜於寒濕中察或淺或深而治之求之即下文三法

○傷寒七八日身黃如橘子色小便不利腹微滿者茵陳蒿湯主之

如橘子色謂其黃之鮮明也小便不利腹微滿者瘧熱在裏也宜下之

○傷寒身黃發熱梔子蘘皮湯主之

熱已發於外自與內瘧不同宜隨其熱勢而清解之

梔子蘘皮湯方 第八十三

肥梔子十五箇 甘草一兩 黃蘘二兩

右三味以水四升煮取一升半去滓分溫再服

梔子其性屈曲下行能降火從小便中泄去黃蘘利下竅除熱甘草和中氣

○傷寒瘧熱在裏身必黃麻黃連軹赤小豆湯主之

玉函及諸註必下有發字○傷寒瘧熱在裏者瘧熱在裏寒濕蘘表之謂此不但發黃復有喘滿氣急之變故於麻黃湯中增損之也疥癬灌洗其身喘滿氣急須加將死者用此數効又有邪而浴身周身浮腫者亦用此數奏効

麻黃連軹赤小豆湯方 第八十四

麻黃二兩 連軹二兩連根是 杏仁四十箇

赤小豆一升 大棗十二枚

生薑二兩 甘草二兩

生梓白皮一升

右八味以潦水一斗先煮麻黃再沸去上沫內諸藥
煮取三升去滓分溫三服半日服盡

細註連翹根成本作連翹房今按根字衍玉函及
諸註作甘草一兩○此方於麻黃湯中去桂枝易
連翹蓋桂枝辛溫為痰熱不宜故以連翹之苦寒
代之而行表發也寒濕裏熱則喘氣有加故以杏
仁降喘逆赤小豆下水滲濕以降胸膈之鬱逆生
梓白皮雖曰除肌肉之濕熱然於藥舖難得之不

足以備急救故以桑白皮代之而利肺氣開表以
行水道之氣化亦佳生薑助胃中生發之氣以使
藥氣亟達於表大棗斂液以防患於前甘草扶中
氣以行撫育之政煎以潦水者以鬱蒸之水而治
鬱蒸病也潦水朝滿夕除者乃用之以欲痰熱之
速去也雨水謂之潦韓退之詩云潢潦無根源朝
滿夕已除潦音老○以上三方傷寒後發黃之治
也蓋表鬱者與麻黃連翹赤小豆湯而發之裏鬱
者與茵陳蒿湯而下之表裏無鬱但欲清解者與
梔子蘘皮湯此治寒濕之三法也

右辨陽明病脉證并治

凡八十一章
闕疑一章

按肌膚爲太陽腸胃爲陽明乃肌膚之裏腸胃之上胸脇之分此爲少陽也凡邪過表分而一層趣于裏然未入於府但留於耳目口咽胸脇之分不去者謂之少陽病也少陽通於春氣春者餘寒尚在而寒暖未定也是故其病寒熱往來休作有時卽是作春之象焉而胸脇苦滿口苦咽乾目眩耳聾此其所容內不在腸胃外不在肌表乃表裏之分界所謂半表半裏是也

少陽之爲病口苦咽乾目眩也

少陽本是天之三陰三陽六氣中之一卽謂春氣也本篇曰少陽病欲解時從寅至辰上是一日之春此時陽氣尚穉弱故曰少陽也在人體則胸脇爲少陽位也夫春者雖陽氣上騰然餘寒尚在而寒暖未定也是故邪在胸脇之分而寒熱往來休作有時凡病作春之象者皆謂之少陽病也少陽之爲病之少陽指胸脇而言自此以下凡曰少陽病者以邪在胸脇之分者言也發汗後表熱減六七口苦咽乾目眩者遺熱於胸脇間故也胸脇者

痰飲之所聚乃熱與痰飲結於胸脇是所謂少陽病也夫少陽病之與痰飲相搏留於胸脇猶陽明病之與糟粕相搏留於腸胃也蓋表邪轉入少陽則寒化變熱故辛溫藥不中與之也若誤用之反致早入裏故曰柴胡證但見一證便是不必悉具夫柴胡湯者治熱與飲相搏者而不拘于風寒暑濕之四氣故邪留於少陽之分則諸邪皆歸於一治此非如太陽有桂枝麻黃之別也

○少陽中風兩耳無所聞目赤胸中滿而煩者不可吐下吐下則悸而驚

少陽中風謂風邪已去肌表而留於少陽之部分即風熱在於胸脇也兩耳無所聞者風熱壅於上部氣閉神昏故也是猶表閉者鼻塞也熱留於頭目故目赤也胸中滿而煩即胸脇苦滿心煩之轉文此熱與痰飲相搏留於胸脇故也乃非停食瓜蒂散證之比故以為不可吐下也若誤吐下之徒亡津液痰飲愈錮心竅乃壅塞所以悸而驚也

○傷寒脉弦細頭痛發熱者屬少陽少陽不可發汗發汗則譫語此屬胃不和則愈胃不和煩而悸

上條言中風此言傷寒上條禁吐下此禁發汗皆

是互發也。脉弦細也。非表脉。頭痛發熱也。非裏證。是不表不裏。所以為少陽病也。少陽之邪寒已化熱。故不可行辛溫發散。若誤用桂麻。則在胃之津液悉出於表。且辛溫藥性反留於內。胃中愈乾燥。而心胸不稟胃液之上朝。是以心神為燥熱所昏。故為譫語也。此則屬胃。宜與調胃承氣湯以和胃。氣不兩津。枯飲結而心煩驚悸也。至是則宜柴胡加龍骨牡蠣湯。

○本太陽病不解轉入少陽者。脇下鞅滿乾嘔不能食。往來寒熱尚未吐下。脉沉緊者。與小柴胡湯。

表受外邪。因發其汗。汗先出而邪不服。遺熱於胸脇間。則與痰飲相搏。以為之證。故曰本太陽病不解轉入少陽。脇下者。素痰飲之窠穴。而邪乘之。則作鞅滿也。乾嘔不能食者。熱邪逼於胃管故也。往來寒熱。即為少陽之本證。其邪在表裏之間。而未有一定處。故出於表或入於裏。出則熱入則寒也。其人尚未經吐下。則其邪不在胃也。可知矣。而脉沉緊者。陽熱鬱於胸脇之診。即以往來寒熱而知。半在表半在裏是故。脉雖沉緊。不得為陰證。乃與小柴胡湯以徹胸脇之熱也。

小柴胡湯方

柴胡八兩 人參三兩 黃芩三兩 甘草三兩

半夏半升 生薑三兩 大棗十二枚

右七味以水一斗二升煮取六升去滓再煎取三升
溫服一升日三服

若已吐下發汗溫鍼譏語柴胡湯證罷此為壞病知
犯何逆以法治之

吐下發汗溫鍼誤其法而譏語者徒損耗津液胃
中乾燥此為柴胡湯證罷蓋病非本來故曰壞病
言為醫破壞也而若柴胡證仍在不得謂之壞病

太陽篇曰凡柴胡湯病證而下之若柴胡證不罷
者復與柴胡湯必蒸蒸而振却復發熱汗出而解
以法治之隨證治之之互文

○三陽合病脉浮大上關上但欲眠目合則汗

三陽合病者表裏俱有大熱也其脉浮大者大熱
在表故也上關上者熱勢溢於中焦故也但欲眠
睡者熱氣怫鬱心神昏冒故也目合則汗者其人
眠睡則表裏能通暢故也此有汗則主於白虎湯
無汗則主於小柴胡湯故載之於此篇也

○傷寒六七日無大熱其人躁煩者此為陽去入陰

故也。

陽謂表陰謂裏也。傷寒六七日表熱稍減其人躁煩者為其熱已入裏故爾。凡元氣勝者病易愈元氣薄者引邪而能入其病亦不易愈也。此表裏之分界故爾及此矣。

△傷寒三日三陽為盡三陰當受邪其人反能食而不嘔此為三陰不受邪也。

△傷寒三日少陽脉小者欲已也。

此二條義疑不可強解。

○少陽病欲解時從寅至辰上。


此自得其位而起也。蓋少陽病之欲解從寅至辰上是一日之春可見少陽病作春之象也。此則少陽二字註脚。

右辨少陽病脉證并治

凡七章 關疑二章

傷寒雜病論集解卷七

畢



展
言
音
雅

